

Esanaz: *¿Zertan eztek
egiten zaunkikan?
ire zaunkik eztiat
aitu oraindikan.
—Jauna, eranzun zion,
ez nezake egiñ,
zeren detan oraindik
artzen aboan miñ.
—Egintzak esan zion
bigarrengo chandan,
zer zaunka modu dekan
nik jakin dezadan.
Orduban zan zaunkaka
zakur ura asi,
bañan zaunkatzat zuben
egiten ki, ki, ki.
Onetan igarririk
etzala zakurra,
ezpada azariya*

eta bera zarra,
mugitu zan gizona
eskopeta billa,
bañan azari zarra
izanik abilla,
ankartetik pasata
asirik igasi
etzan arren pintikan
geiago ikusi.

.
Onek erakustendu
serbitzari charrak,
dirala ondatzeko
askotan bazterrak.
Nor dan begiratzeko
ongi aurrenean,
penaz arki eztediñ
biyaramonean.

Zaldiya, Gizona eta Astoa.

Zaldi bat maite zuben
bere nagusiyak,
zeren osatzen zizkan
naiera guziyak.
Ongi jaten zuben ta
etzuben nekerik,
nagusiya gañean
eraman besterik.
Beiñ onek joan bearrik
erbeste batera,
kaja diru bat zion

eman bizkarrera.
Esanaz: *eraman zak
au nere tokiyan
ni oñez bakarrikan
joango nauk mendijan.*
Segiduban asi zan
zaldiya kejatzen,
zeren zuben karga ark
ondocho nekatzen.
Irichi ziranean
lenengo errira,

zalduyak gizonari
 jarririk begira,
 esan zion: *Eztet nai*
aurrera segitu,
onla joatekotz naidet
bertan nik gelditu.
Gu ez gera jai oak
kajaz kargatzeko,
ezpada nagusiya
gañean artzeko.
 Ontatik asirikan
 gogor ez bai etan,
 aspertu ziranean
 biyak erriyetan,
 justizi billa ziran
 joan juezagana,
 zeña zan asto zar bat
 an juez zeguana.
 Eta onek lenengo
 aiturik biyari,
 kopeta beltzez zion
 esan gizonari:

Etzala karga ura
zalduyarentzako,
eta kajaz ez berriz
ura kargatzeko.
Aurrera joan etzediñ
zalduya nekean,
berak artu zezala
kaja bizkarrean.
Eta arrekin igo
zedilla zaldira,
segitu zezan joan nai
zuben alderdira.

.
 Onek erakustendu
 tontoakgandikan,
 ez ditekela artu
 lezio onikan;
 oek jartzearekin
 juez eta alkate,
 izango dala beren
 mendekoen kalte.

RAMON ARTOLA.

